



UNIVERSITÄTS-
BIBLIOTHEK
PADERBORN

**Petri Thyraei, E Societate Jesu Doctoris Theologi, Et In
Academia Herbipolensi Olim Professoris, Tractatus De
Apparitionibus Sacramentalibus**

Thyraeus, Petrus

Dilingae, 1640

Admodum Reverendo Et Amplissimo Domino, Domino Vitali, Canonicorum
Regularium Savigstini, Ad S. Crucem Avgvstæ Præposito.

[urn:nbn:de:hbz:466:1-64272](https://nbn-resolving.org/urn:nbn:de:hbz:466:1-64272)

A D M O D U M
R E V E R E N D O
E T

A M P L I S S I M O
D O M I N O , D O M I N O

V I T A L I ,

C A N O N I C O R V M
R E G V L A R I V M

S . A V G V S T I N I ,

A D S . C R V C E M
A V G V S T Æ

P R Æ P O S I T O .



Q UOD annulo gemma, & cœ-
lo sol est , Augustæ esse dixe-
rim , Miraculosum Sacramen-
tum , quod in sacrâ Æde tuâ
A M P L I S S I M E P R Æ S V L , qua-
tuor seculis & ampliùs , sub prodigiosis specie-
bus Christum tegit , veluti sub nube Solem.

) (2

Etsi

EPISTOLA

Etsi enim plurimis, Vrbs hæc verè regia, fulgeat ornamentis, etsi inquam, præter Pontificales infulas, Ecclesiasticorum, Religiosorumque quasi castrorum acies ordinatas, exhibeat, & in Republicâ quoque, viris nobilissimis præstantissimisque abundet: non tamen sidera hæc à se lucent, sed ab illo splendorem mutuuntur & vigorem, à quo est *omne datum optimum, & omne donum perfectum*. Cui pulcherrimum fænus dependunt, qui talenta sibi collata, virtutum incremento multiplicant, quod Augustæ quidem, ex omnium hominum ordine faciunt quam plurimi. Sed quamvis variis ex causis, Urbis huius præstantia consistat, nihil tamen ita pretium eius accendit, quàm is, *in quo sunt omnes thesauri sapientiæ & scientiæ absconditi, & cuius una stilla Sanguinis, saluum facere, totum mundum quit ab omni crimine*. Est nimirum huius annuli gemma diuina ad S. Crucem hostia, quæ cruentâ specie, latentis Corporis & Sanguinis Christi fidem facit, ingenti miraculorum cumulo contestatam.

Memi-

DEDICATORIA.

Memini AMPLISSIME PRÆSVL, cum aliquando familiaritè hâc de re sermonem conferremus, Cænobio S. Crucis, & Vrbi Augustanæ tantùm Dei beneficium gratulantes: Te seu prouocante, seu cohortante, me cogitationem suscepisse, Mirabilis Sacramenti, tractatu aliquo Theologico illustrandi. Etsi enim id iam olim egregiè præstitit, & diligenter, vir insignis Henricus Institoris, hæreticæ prauitatis inquisitor, ex Sacro Prædicatorum Ordine, tractatu peculiari, qui ipsius autoris manu exaratus, & postea Norimbergæ typis impressus, extat in insigni Bibliothecâ tuâ: Scholastica tamen methodo contentus, exempla, & alia quædam, hisce temporibus vsui futura non adiecit. Quare parabam quidem pro tenuitate mea aliquid moliri, & calamus iam strinxeram, cum inopinato in hunc Petri Thyraei, è Societate IESV celebris Theologi, de Apparitionibus Sacramentalibus tractatum incidi; in eoque omnia, quæ ad Miraculosi Sacramenti, veritatem tuendam & gloriam illustrandam valere possunt aut debent, ita appositè ac solidè tractata reperi, vt quemadmo-

E P I S T O L A

dum S. Hieronymus, libro tertio aduersus Pelagianos extremo, de libris S. Augustini loquitur, *super sedendum nouo labori censerem, ne dicatur mihi illud Horatij: In siluam ne ligna feras. Aut enim eadem diceremus ex superfluo: aut si noua uoluerimus dicere, à clarissimo ingenio occupata sunt meliora.*

Id ergo consultius visum est, vt hic tractatus, cuius iam vix aliqua in nostris terris supersunt exemplaria, **AMPLISSIMÆ D. T.** auspiciis & sumptibus, denuo in lucem daretur, aliquot additionibus meis auctior. Quibus Thesin Apparitionum Sacramentalium in communi, ad hypothesein Mirabilis Sacramenti Augustani reuoco, & quæ Thyraeus generatim disputauit, in hanc diuinissimam hostiam specialibus ex causis, rectè quadrare demonstro. Vti cernere est, parte 1. cap. 1. parte 2. cap. 2. parte 4. cap. 1.

Hanc tenuem opellam Miraculoso Sacramento à me debitam, eiusque venerationi stabilendæ destinatam, **AMPLISSIMÆ D. T.** nunc offero, & lubens merito consecro, non vna
ex

DEDICATORIA.

ex causa. Nam tibi debetur hoc quidquid est, utpote tuis auspiciis captum, tuis sumptibus perfectum. Accedit eximia caritas & benevolentia, qua cum Religiosis Canonicis tuis, & Societatem nostram vniuersim complecteris, & me priuatim pluribus iam annis profecutus es. Vellem sanè, ut luculentius grati animi monumentum statuere, virium mearum esset. Verùm ultra vota & conatus non datur assurgere; cum præsertim tibi AMPLISSIMÆ PRÆSVL, & mihi, propositum sit, hoc, quantillum est, referre ad laudem & gloriam eius, qui bonis nostris non eget, nec laudibus crescit. Illud ergo nobis succinamus, quod Ecclesia de SS. Sacramento præcinit:

*Quantum potes, tantum aude;
Quia maior omni laude, nec laudare
sufficis.*

Ipsè, qui sub cruenta hostia occultus, Corporis & Sanguinis sui præsentiam, prodigiosa specie manifestat, ac per tot secula, continuis & cætenatis veluti miraculis confirmat: quidquid hifce pa-

EPIST. DEDICATORIA.

ce pagellis explicatur, in gloriam suam, multo-
rumque pietatem inflammandam vertat. Et Te,
AMPLISSIME PRÆSVL, tanti thesauri custo-
dem, imò verè suum Augustæ Thesaurarium, v-
nà cum inclyto S. Crucis Cænobio, cœlestibus
donis, omnique prosperitate cumulet. Et in æ-
uum conseruet. Dilingæ. 21. Martij. An. 1640.

*Admodum Reuerenda, &
Amplissima D. T.*

Seruum in Christo

HENRICVS WANGNERECK
Societatis Iesu.

TRA-